

vicum adire, ut clericis inter se Ecclesiæ illius discordantibus pacem reformaret. Et licet finem dierum suorum adfuisse non ignoraret, proficisci tamen ob istiusmodi causam non recusavit, memorans illud evangelicum : *Beati pacifici, quoniam filii Dei vocabuntur*: volensque pacem omnibus relinquere, exemplo Domini in die ascensionis sue apostolis dicentis : *Pacem relinqāo vobis, pacem meam do vobis. In pace vos dimisi, in pace vos inveniam*. Cumque hac causa cum familiari discipulorum comitatu iter perageret, mergos in flumine videt piscium multititudinem captantes, et dixit : *Forma hæc dæmonum est. Tunc illis potenti virtute verborum imperavit, ut eum gurgitem relinquentes arida desertaque appeterent loca. Statimque mirum in modum omnes in una turba congregatae relicto flumine montes silvasque petierunt*. Et admirati sunt, qui simul aderant, talem in Martino esse virtutem, ut etiam avibus sive dæmonibus imperaret per gratiam Dei.

XIV. *Ægrotat : molliorem lectum sibi sterni recusat.* — Cumque in illo vico, ad quem ierat, paucis diebus commoratus, pace inter clericos restituta, jam regredi ad monasterium cogitaret, viribus corporis cœpit repente destitui ; convocatisque discipulis, indicavit eis jam adesse tempus resolvendi spiritum ejus a corpore. Tunc vero luctus et mœror omnium, vox una plangentium et dicentium : *Cur nos, Pater, deseris, aut cui nos desolatos relinquis?* Invadent enim gregem tuum lupi rapaces. Et quis nos a rapaciatibus eorum, te recedente, defendet ? Scimus quidem te desiderare Christum, sed salva tibi præmia tua, nec dilata minuentur; nostri potius miserere. Tunc ille motus eorum fletibus lacrymasse perhibetur ; conversusque ad Dominum supplici voce dixit : *Domine, si adhuc populo tuo sum necessarius, non recuso laborem ; fiat voluntas tua. Nimirum nesciebat quid potius mallet : quia nec hos deserere, nec a Christo volebat diutius separari. Nihil enim in voto suo ponens omnia hæc in Dei arbitrio dimisit dicens : Domine, si adhuc me vis in corpore manere, non recuso laborem : et si parcis ætati, bonum est mihi : fiat voluntas tua. Hos autem, de quibus timeo, tu ipse custodi. O virum ineffabilem, nec labore vi-*

Actum, nec morte vincendum, qui nec mori timuit, nec vivere recusavit ! Sed cum a discipulis rogaretur, ut stramenta sub se ficeret ponи, vi febrium per aliquot dies laborans, Non decet, inquit, filii, non decet Christianum, nisi in cinere et cilicio mori ; ego enim, si aliud vobis reliqui exemplum, ipse peccavi. Et cum iterum a presbyteris, qui ad ejus infirmitatem venerant, rogaretur, ut corpusculum lateris mutatione relevaret, Sinite, inquit, sinite me, frātres, potius cœlum quam terram videre, ut in suo itinerem jam iturus ad Dominum meus spiritus dirigatur.

XV. *Inter angelicos hymnos animam agit.* — Annigitur ætatis suæ LXXXI, et episcopatus sui XXVI, maturus annis et moribus apud Condatensem diœcesis suæ vicum, ut diximus, feliciter recessit a sæculo. **B**Sed inter divina sacræ prædicationis verba, cùm angelicis coelestium hymnorum vocibus, circumstantibus suis discipulis, gratia plenus et sanctitate, sanctam Jesu Christo tradidit animam. Multi enim in ejus transitu voces audierunt angelorum sanctum Martinum laudantium. Quanta autem multitudo ad ejus obsequium convenerit, narrari non potest. Multi enim ex vicinis urbibus et monasteriis atque vicis cum lacrymis venerunt, una voce sanctum Martinum lugentes. O quantus erat luctus omnium ! quanta præcipue lamenta monachorum et virginum dicentium, quia pium est gaudere Martino, et pium est flere Martinum. Pium enim erat eum vivere, pium erat et mori ; quia in vita sua placuerat Deo.

XVI. *Turonis sepelitur.* — **C**ujus quidem corpus a clericis civitatum, et populorum turbis, cum laudibus et hymnis ad Turonicam portatum est civitatem, ibique cum magna veneratione sepultum est, assequente eum cœlesti turba cum cœlestibus hymnis usque ad locum sepulcri. In quo postea loco beatus antistes Perpetuus novam laudabili opere construxit ecclesiam, tanti patroni talisque viri condignam meritis. In qua etiam usque hodie multa miraculorum signa, plurimæ sanitatum virtutes, consolationes mœrentium, et pietates lætantium, præstante Domino nostro Jesu Christo, fieri solent : qui vivit et regnat in unitate majestatis, per omnia sæculorum. Amen.

* Clausula hæc eadem est ac præcedentis scripti, supra num. 44.

163. OPUSCULUM SECUNDUM.

VITA S. VEDASTI EPISCOPI ATREBATENSIS,

Scripta circa annum 800.

Dulcissimo dilectionis filio Radoni * abbati humilis levita Albinus salutem.

* *Radoni. Surius, Rodani.* Is abbas factus monasterii Vedastini anno 795 monasterium, templum et cultum sancti Vedasti maximis sumptibus instaurau-

DI. Dilectionis vestræ venerabile præceptum secretus, Vitam sancti Vedasti Patris vestri et intercessio-

vit; et anno 815 obiit, prout legitur in Chron. Vedastino apud Locriū et Franc. Le Bar in monumentis ms.

ris nostri, emendare studui^a: non quod aliquid illius excellentissimis meritis dignum valuisse, sed quod nihil tuæ reverentiae jussis denegare ratum patavi. Idcirco ad te maxima [Boll., maxime] pertinent harum laus vel vituperatio litterarum. Utinam tibi et fratribus, qualescunque sint, placeant. Deprecor autem, ut meum laborem orationum vestiarum solatio remunerare dignemini; et unus merear esse vestrum in charitatis communione: illius semper memores mandati, qui dixit: *Hoc est præceptum meum, ut diligatis invicem* (*Joan. xv, 12*). In hoc enim mandato omnium salus consistit: hoc cunctis pernecessarium esse constat, et maxime iis qui gregem Christi regendum accipiunt. Quapropter tu, charissime, gregem quem acceperisti regendum, fraterno amore diligenter erudire studeto, et sanctis admonitionibus eum per pascua vita: deducere satage. Habes in omni opere bono Christum adjutorem, sanctum quoque Vedastum intercessorem. Sicut magno labore domum Dei optime habes ornatam et largissimis donis decoratam; ita sibi [Boll., tibi] subjectos bonis moribus ornari contende, et eos in divina laude fac consistere; et quod angeli semper agunt in cœlis, hoc fratres jugiter faciant in ecclesiis. Tuum est præcipere, illorum obediens. Tuum est præire, illorum subsequi. Omnia itaque in servitio Dei una debet esse voluntas, ut una fiat in regno Dei remuneratio.

II. Nullus horis canonicas se divinis subtrahat laudibus, ne propter aliquam negligentiam cuiuslibet locus in conspectu Dei vacuus inveniatur: et verba Dei in ecclesiis intimo cordis affectu proferantur, et cum magna reverentia Dei omnipotentis officia celebrentur [omne vero ministerium Christi humiliter et devote impleatur]. Onnes ubique obedientiam in sæculi necessitatibus fideliter et strenue peragant^b. Fiat equidem inter omnes concordissima pax, et sanctissima charitas [et devotio vitæ regularis]. Seniores bonis exemplis et sedula admonitione erudiant juniores, illosque diligent ut filios: et illi quasi patres eos honorificent, illorum cum omni alacritate obdiant præceptis. Tua vero, venerande fili, conversatio omnibus sit exemplum salutis. Cave, ut nec minimus quis in tua scandalizetur vita, sed ædificetur et roboretur in via veritatis: quia tibi ex illorum salute merces judicabitur æterna. Cani capilli exterritum denuntiant properare diem. Quapropter paratus esto omni hora in occursum Domini Dei tui. Dilectio fraterna, et eleemosynæ miserorum, et vitæ castitas præparent tibi gradus in cœlum. Diligenter elabora tibi æternos dies felices. Honor sæcularis, quem habes, spiritualem tibi abundet in gloriam.

III. Festivis diebus veniente ad ecclesiam populo, fac eis prædicari verbum Dei^c; et quocunque vadis, clerici servitium Dei pleniter peragant; tecum eant,

^a Emendare studui. De hoc diximus in Monito prævio.

^b Bolland.: *Omnis itaque obedientia in sæculi necessitatibus fideliter et strenue peragatur.*

A sobrietate ornati, non ebrietati assueti; quorum honestas vitæ alii 164 sit doctrina salutis; curamque ubique habeas maxime pauperum, viduarum, orphariorum, ut audias in die tremendo a Domino Christo cum aliis eleemosynam facientibus: *Quandiu uni ex his minimis fecistis, mihi fecistis* (*Matth. xv, 40*). Esto misericors ut pater, et causam ad te clamantium diligenter discute, et parce in te peccantibus, ut Deus tuis parcat peccatis. Esto justus in judiciis, et misericors in debitibus. Magister virtutum, moribus honestus, verbis jucundus, vita laudabilis, in omni opere Dei devotus. Fratres quoque hortare, ut sanctas diligentissime legant Scripturas. Non confidant in linguae notitia, sed in veritatis intelligentia, ut possint contradicentibus veritati resistere. Sunt B tempora periculosa, ut apostoli prædixerunt, quia multi pseudodoctores surgent, novas introducentes sectas, qui catholicæ fidei puritatem impialis assertionibus maculare nitentur (*II Tim. iii, 1; II Petr. ii, 1*). Ideo necesse est Ecclesiam plurimos habere defensores, qui non solum vita sanctitate, sed etiam doctrina veritatis castra Dei viriliter defendere valeant.

IV. Has vero piæ admonitionis litterulas non quasi nescienti direxi, sed ut veræ charitatis in meo pectori fidem ostenderem. Quid facit amicus, si se ipsum verbis non ostendit? Si divites pauperum munuscula non spernunt, cur et vestræ sapientiae flumina nostræ rivulos intelligentiæ respuere dehent? Nam et majores amnes rivulis augmentur influentibus, et ipse Dominus viduæ laudavit duo minuta, quæ ex inopia suæ paupertatis larga manu Deo, quod habuit, obtulit (*Luc. xi, 2*). Et ego quamvis scientia inops, tamen fideli [Boll., fraterno fidelis] amore vestræ hæc munuscula direxi pietati, obsecrans ut tam humili fraternitatis ea intuitu respicere digneris, quam nos pia devotionis charitate illa vobis dirigere studuimus. Omnipotens Deus, te tuosque [charissimos] fratres in omni bono proficere faciat, et ad beatitudinem æternæ gloriæ pervenire concedat.

CAPUT PRIMUM.

Doctrina Christiana regi Chlodoveo explicata a sancto Vedasto.

V. Postquam Deus et Dominus noster Jesus Christus ovem querere perditam de cœlis in hunc mundum per virginalem venerat uterum (*Luc. xv, 4*), et tota suæ dispensationis et nostræ salutis peracta plenitudine, cum triumpho gloriæ ad sedem paternæ majestatis reversus [est], ut tetricas [A., tetras] ignorantiae tenebras toto depelleret orbe, multa sanctorum lumina doctorum, evangelicæ prædicationis luce fulgentia, toto diviseral mundo: ut sicut cœlum fulgentibus ornatur stellis, quæ tamen omnes ab uno illustrantur sole; sic et lata terrarum spatia sanctis splendescerent doctoribus, qui tamen ab æterno sole illuminati, divina præeunte gratia, ex-

^c *Fac eis prædicari Verbum Dei.* Quod argumento est, jam eo tempore concionandi officium in ecclesiis monasticis viguisse. Mabill. tom. II Annal. pag. 322.

cas ignorantiae tenebras veræ fidei fulgore [et] glorioso Christi nomine illustrarent, ut eis ministrantibus, longa ab initio saeculi esurie æternæ vite epulis satiaretur. De quorum numero sanctus Dei sacerdos Vedastus, et prædictor egregius, temporibus fortissimi regis tunc temporis Francorum Clodovei ^a, in has divina dirigente gratia ob multorum salutem pervenit regiones; quatenus supernæ pietatis suffultus auxilio, populum diabolica fraude deceptum, et errorum laqueis captivum in viam dirigeret salutis æternæ et veræ, quæ in Christo est, libertati restitueret. Sed ut hoc acceptabili, secundum Apostolum, fieret tempore, qui ait: *Ecce nunc tempus acceptabile, ecce nunc dies salutis (II Cor. vi, 2)*; Dominus Jesus, qui vult omnes homines salvos fieri (*I Tim. ii, 4*), competentem suo famulo prævidebat causam, quomodo opportune ad ministerium verbi Dei pervenire valuisse.

VI. Contigit vero præfatum Francorum regem Clodoveum Alemannis bella [*Boll.*, bellum] inferre ^b, qui tunc temporis regno suo per se potiti sunt: sed non eos ita offendit imparatos, ut voluit. Nam fortissima collecta manu, regi circa ripas Rheni **165** fluminis obviauerunt unanimes, bellica virtute patriam defendere, vel libera manu pro patria mori; et fortissime utrinque decertatum est: hi, ne triumphi gloriam; illi, ne patriæ perderent [*Al.*, proderent] libertatem, in mutuam corruentes cædem. Igitur rex nimio turbatus terrore, dum inimicos vidit fortiter pugnare, et suos pene ad internectionem vincit, magis cœpit de salute desperare quam de victoria sperare. Etsi autem necdum voluntate renatus esset in Christo, tamen necessitate cogente, ad Christi confugit auxilium. Et quia reginam habuit religiosam, baptismique sacramentis initiatam, nomine Clotilden ^c, oculos cum hac voce ad cœlum levavit: O Deus unicæ potestatis, et summæ majestatis, quem regina Clotildis colit, confitetur et adorat: concede mihi hodie de inimicis meis victoriam. Nam ex hac die tu solus mihi eris Deus, et veneranda potestas. Tu mihi triumphum præsta, et ego tibi servitum promitto sempiternum. Mox divina operante pietate, terga verterunt Alemanni, victoria cessit regi et Francis. O mira omnipotentis Dei clementia! O infabilis bonitas, qui sic exaudit et nunquam derelinquit sperantes in se! Quanta fide Christiani illius misericordiam invocare debent, dum paganus rex ad unius precis effectum tantam promeruit victoriam. Cui ex antiquis hujus divinæ pietatis adæquare auxilium debemus, qui ob unius momenti lacrymas tam celebrem venturo suo servo contulit triumphum; nisi Ezechiae regi, qui in angustia tribulationis una

^a *Clodovei*, qui imperavit a fine anni 479 ad 509, quo obiit 27 Nov. *BOLLANDUS*.

^b *Alemannis bella inferre*. De hoc Clodovei cum Alemannis bello agunt Greg. Turon. lib. ii, cap. 50; Aimoinus lib. i, cap. 15; Hincmarus aliquique scriptores. Gestum id est anno regni ejus 13, Christi 494. Recentiores scriptores præsumunt hoc assignant Tulpiaco, vulgo Zullich, sed verius alii credunt Aleman-

A tantummodo petitione promeruit, non solum a praesenti vastatione civitatem superna protectione defendi, sed etiam in eadem nocte, qua preces in diuinæ effuderat aures, centum octoginta quinque millia hostium latus et liberatus occidi viderat (*IV Reg. xix*)?

VII. Haec vero Victoria, de qua ante diximus, regi populoque suo causa fuit salutis æternæ, et ne lucerna, sanctus videlicet Vedastus, sub modio lateret absconditus, sed supra candelabrum positus, exemplis vel prædicationibus in domo Dei lucens, ab errore idolatriæ et caligine ignorantiae in viam plurimos educeret veritatis. Igitur superatis hostibus, et rebus in pace compositis, et Alemannis suæ subjectis ditioni, rex ovans cum laude triumphi ad patriam rediit. Et ut fidelis tantæ sibi gloriæ largitor sponsor appareret, festinavit servorum Christi sacra imbuui prædicatione, et sancti baptismatis ablui sacramentis. Venit autem ad Tullum ^d oppidum, ubi sanctum agnovit Vedastum laudabili religione soli servire Deo, et dulcissimos contemplativæ vite carpere fructus. Hunc vero ad sanctum Remigium Christi clarissimum sacerdotem, ad Rhemorum properans civitatem, sibi socium assumpsit: quatenus per singulos itineris sui gressus saluberrimis ab eo imbuueretur doctrinis, et catholice fidei firmis iniiciaretur fundamentis: ut paratus fide et virtutum scientia, a tanto pontifice spirituali ablueretur lavacro, et ab illo donis coelestibus confirmaretur, quod ab isto, divina prius præveniente gratia [*Al.*, clemencia], evangelicis coëptum fuerat prædicationibus. Hic ad fontem vitæ festinantem deducebat regem; ille in fonte salutis æternæ venientem abluebat. Ambo propemodum pari pietate patris [*Forte*, patres]: hic doctrina fidei, ille baptismatis unda: utrique æterno regi regem temporalem munus obtulerunt acceptabile. Hi sunt duæ olivæ et duo candelabra lucentia (*Zach. iv, 3*), a quibus rex præfatus in via Dei eruditus, miserante Deo, portam perpetuae lucis ingressus, cum fortissima gente Francorum creditit Christo: et facta est gens sancta, populus acquisitionis (*I Petr. ii, 9*), ut annuntientur in eo virtutes illius qui eos de tenebris vocavit in admirabile lumen suum.

CAPUT II.

D *Miracula et virtutes sancti Vedasti. Baptismus Chlodovei regis.*

VIII. Sacra igitur evangelicæ auctoritatis narrat historia, Dominum Jesum Jericho pergentem ad confirmando fidei corda populi præsentis, cuidam cæco ad se claimanti lumen reddidisse oculorum (*Luc. xviii, 5*), ut per corporale unius illius **166** cæci lumen spiritualiter multorum illumina-

nos victos fuisse circa Argentoratum. Vid. *BOLLANDUM* in hunc locum.

^e *Clotilden*. S. Clotildis, aliis Chlotildis, Crotildis, Hlotild, Rothilt, Rothildis, colitur 3 Junii.

^f *Venit ad Tullum oppidum*. Tullum urbs est episcopalis ad Mosellam, ubi rex sanctum Vedastum agnovit, comitemque sui adscivit itineris, inquit Aimoinus lib. i, cap. 16.

rentur pectora. Ita et sanctus Vedastus, Deo Christo A ablueretur fonte. Cum quo aliquantis moratus est donante, per cuiusdam illuminationem cæci, fidem quam verbo prædicavit, in corde regis miraculo confirmavit: ut rex ipse intelligeret, tam sibi esse necessarium cordis lumen, quam cæco oculorum illustrationem: et quod divina operata est gratia per preces famuli sui in oculis cæca nocte castigatis; hoc per sermones ejusdem famuli, eadem operante potentia, per spiritualis intelligentiam lucis in suo pectore perficeretur. Nam [dum] regia excellentia condigno comitatu cum multitudine maxima [ire] populi, iter agentibus illis, venerunt in quemdam pagum, qui incolarum terræ illius consuetudine Vungise ^a pagus dicitur, prope Reguliacam ^b villam, quæ sita est super florigeras Axonæ fluminis ripas. Et ecce ejusdem fluminis pontem rege transeunte cum multitudine populi, obviavit illi cœcus quidam bujus diutissime solaris expers luminis: forte nec sua cœcatus culpa, sed ut manifestarentur opera Dei in illo, et per illius illuminationem præsentem plurimorum illuminarentur corda spiritualiter. Qui cum intellexisset a prætereunitibus, sanctum Vedastum Christi servum in eodem iter agere comitatu, clamavit: Sancte et electe Deo Vedaste, miserere mei, et supernam pio pectore diligentius deposce potentiam, ut meæ subveniat miseriae. Non aurum posco, nec argentum, sed ut mihi lumen per sanctitatis tuæ preces restituat oculorum. Sensit itaque vir Dei virtutem sibi adesse supernam: non ob illius cœci tantummodo, sed plus propter præsentis populi [Al., præsentis sæculi] salutem, totum se in sacras effudit preces, in divina fidens pietate, et dexteram cum signo crucis posuit super oculos cœci, dicens: Domine Jesu, qui es lumen verum, qui aperuisti oculos cœci [nati] ad te clamantis, aperi oculos et istius, ut intelligat populus iste præseus, quia tu es Deus solus, faciens mirabilia in cœlo et in terra. Mox ille cœcus lumine recepto, gaudens perrexit viam suam. In quo loco tempore sequenti a religiosis viris ædificata est ecclesia in testimonium miraculi istius, in qua orantibus et credentibus usque hodie ^c beneficia præstantur divina.

IX. Igitur rex a viro Dei evangeliis apprime imbutus doctrinis, et hoc præsenti miraculo in fide firmiter confortatus, nil moratus in via, nil dubitans in fide, sed magna alacritate animi, magna festinatione itineris, sanctissimum pontificem Remigium videre properavit, ut illius sacratissimo ministerio, Spiritu sancto operante, in remissionem peccatorum et spem vite æternæ, catholici baptismatis vivo

^a *Vungise pagus.* Alibi legitur *Vongise*, *Vungisus* pagus. In itinerario Antonini *Vongus* vicus. In Capitulari Caroli Calvi ad annum 853 dum pagi per missarios ordinati describuntur, *Vonziso*. In præcepto Ludovici pro Ecclesia Rhemensi, *castrum Vonzense*; et apud Flodoardum *Municipium Vongum*; vulgo *Vouzy*, quod pago seu ditioni subjectæ nomen dedit. **BOLLAND.**

^b *Prope Reguliacam villam.* Alibi *Rilugiaco*. Vicus est ad Axonam (Aisne), *Rilly* dictus, inter Attiniacum et Vongum.

A ablueretur fonte. Cum quo aliquantis moratus est diebus, ut ecclesiasticis satisfaceret sanctionibus, et pœnitentiæ secundum apostolicum præceptum prius ablueretur lacrymis, dicente beato Petro principe apostolorum: *Pœnitentiam agite, et baptizetur unusquisque vestrum in nomine Jesu Christi* (Act. ii, 38): et [sic] in nomine sancte Trinitatis coelestis mysterii baptisma susciperet. Sciens vero beatus pontifex apostolum dicere Paulum: *Omnia vestra honeste cum ordine fiant* (I Cor. xiv, 40): statuit [Al., constituit] diem ^d, quo rex ecclesiam intraret ad suscipienda divinæ pietatis sacramenta. Quale fuit tunc sanctis Dei gaudium, qualis in Ecclesia Christi letitia, cum viderent regem Ninive ad prædicationem Jonæ de solio majestatis suæ descendisse, et in cinere sedisse B pœnitentiæ, et sub pia Dei sacerdotis dextera suæ excellentiæ caput humiliare (Jon. iii). Baptizatus itaque rex cum optimatibus suis et populo, qui divina præveniente gratia salutaris lavacri gaudebant suscipere sacramentum.

X. Utriusque et victorïæ ex hostibus, et suæ salutis voti compos, ad sceptra regni gubernanda reversus est, sanctumque Vedastum beato pontifici commendavat Remigio. Qui ibi moratus, vitæ meritis et virtutum claruit exemplis, omnibus amabilis et venerabilis factus est.. Fuit enim mōrum dignitate religiosus, charitate præcipuus, fraterna dilectione jucundus, humili pietate eximus, orationum vigilancia assiduus, sermone modestus, corpore castus; jejunio sobrius, miserorum consolator; non de crastino cogitans, sed semper de Dei confidens clementia, omnes ad se venientes æternæ vite pascebatur alimento. Nullum in sua despiciebat angustia, sed pie consolationis verbo reficiebat moestos. Nemini vel verbo nocuit, sed fraterno amore cunctis prodesse satagebat. Unde et a quam plurimis illustribus frequentabatur viris, ut illius sacratissimo alloquio, vel in tristitia cujuslibet sollicitudinis susciperent consolationem, vel in religione ecclesiasticæ exercitationis puram ab eo audirent veritatem. Unde et illius pia devotione [Al., admonitione] multi a dia-boli laqueis liberati sunt, et vias vitæ perpetuæ, supererna adjuvante pietate, ingressi sunt. Scilicet multi, ut supra diximus, ob celeberrimam sanctitatis famam nobilium vel plebeiorum, virum Dei visitare solebant, ut consolarentur per gratiam, quæ abundabat in labiis illius; et quia ex abundantia cordis os loquitur (Matth. xii, 34), et quia fraterno amore omnes diligebat, omnibus se affabilem præstabat. Aliorum salutem suum reputans lucrum, nec Dominicæ talen-

^D ^e *Usque hodie.* Baldericus testatur, adhuc suo tempore, id est, saeculo Christi undecimo exstitisse eam ecclesiam in testimonium virtutis hujus constructam. **BOLLAND.**

^d *Statuit diem.* ^f *Quo natum redemptionis suæ cœli Dominum mundus accepit, et quo Christus ortus est mundo,* inquit S. Avitus in Epist. ad Chloden-veum regem. ^g *Unde, addit, nos jam securos vestri sacra nox reperit, qua visetur baptizatus.* **BOLLAN-**

tum pecuniae pigritiae obruit humo, sed quotidiano charitatis sudore multiplicare studebat, ne vacuus reveniente Domino suo in conspectu illius appareret [Al., inveniretur].

XI. Igitur quidam vir nobilis et religiosus inter alios famulum venit visitare Christi, ut per eum coelestis doctrinæ reficeretur melle. Et dum sermo dulcissimæ allocutionis in longum traheretur, et sol medium coeli transiens centrum, crescentes duplicaret umbras, nolebat vir Dei hospitem suum absque charitatis dimittere viatico. Mandavit autem [Boll., sed mandavit] puer, ut si quid illi remansisset vini, charo pocula portaret amico, quatenus in utroque et anima refectus et corpore confortatus domum rediret. Sed propter hospitum frequentiam, et viri Dei largam erga omnes munificentiam, non arida Patris charitate, aridum invenit vasculum, in quo vimnum servari solebat. Mox tristis, tacito murmure, hoc ipsum puer paternis intimavit auribus. Qui revercundiae rubore perfusus, charitatis tamen dulcedine abundans corde, in divina consilis suffragia, tacitus paulisper Deo preces effudit, nil de divino dubitans auxilio, nil de suæ petitionis hesitans effectu, totus in ejus credens clementia, qui de arida petra sienti populo fontem aquæ vivæ produxit (*Exod. xvii; Num. xx*); vel in Cana Galileæ aquam in mirabilis vini convertit saporem [Al., vertit in vinum] (*Joan. ii*), dixit puer: *Vade in Dei confidens bonitate, et quocunque inveneris in vasculo, non cuncteris nobis afferre.* Qui celer, paterno obediens præcepto, cùtcurrit et vas vino optimo superfluens invenit: *gratias Deo agens, alacri animo venienti et ejus sociis, propinavit amico, qui duplici roboratus charitate, remeavit in propria.* Sed famulus Christi, ne vanis jactantiae verbis vel rumigerò populi celebraretur favore, sub magna attestatione præcepit puer, omnibus vitæ suæ diebus hoc tacere miraculum, plus Deo soli cognitus esse cupiens quam hominibus; certo sciens omnium esse virtutum veram in humilitate custodiam, et hanc esse quæ charitatis gradibus altissima cœli regna concendat [Boll., concendit], ipsa dicente Veritate: *Omnis qui se humiliat, exaltabitur* (*Matth. xxiii, 12*).

CAPUT III.

Sancti Vedasti episcopatus Atrebaten sis.

XII. Cumque viri Dei ceteberima vulgaretur fama, et charitatis in eo munificentia, et religio vitae, et verbi Dei instantia longe lateque ab omnibus celebraretur [Al., magis magisque excresceret], visum est beatissimo pontifici Remigio, tam præclaram Christi lucernam melius esse supra candelabrum ponere, ut splendidissimo suæ sanctitatis fulgore latius ad salutem luceret multorum, quam sub unius loci lateribus [Boll., latebris] propemodum abscondita lateret. Divina igitur dispensatione, et salubri sacerdotum

* *Attilæ.* Anno Christi 450 et sequenti. De Attila Sidonius Apollinaris in Panegyrico Aviti carm. vii, vers. 527, ita canit:

A consilio, ordinavit eum episcopum, et ad prædicandum verbum vite **168** Atrebateni eum direxit urbi, quatenus populus diu in antiquis malæ consuetudinis erroribus jacens, Deo auxiliante, per assiduam sacræ prædicationis instantiam, per illum in viam veritatis et agnitionem Filii Dei deduceretur. Qui pontificatus gradu et prædicationis officio suscepto, concitus ad præfatam ire perrexit urbem; sed in auspicio futurae prosperitatis et salutis, Deus cuiusdam miraculi testificatione ejus datefecit civibus introitum.

XIII. Igitur in ipsa civitatis porta duos habuit obviam sibi egenos et infirmos, cæcum scilicet et claudum, miserabili a viro Dei voce stipem [Boll., stipendia] postulantes. Mox sacerdos Christi illorum condolens miseria secum tractabat quid illis solati præstare posset. Et cum apostolicus præparator pecuniæ in sacculis se non habuisse sciret, in divina confidens clementia, et sanctorum apostolorum Petri et Joannis confortatus exemplo, ait: *Aurum et argentum non est mecum; quod autem habeo, id est, charitatis officia, et pietatem orationis* [Al., pietatis orationem] *ad Deum, hoc vobis præstare non differo* (*Act. iii, 6*). Et post hæc verba vir Dei ex intimo cordis affectu pro illorum miseria fudit lacrymas, et cum fidei puritate opem illis poscebat divinam, vel pro illorum corporali, vel pro populi præsentis salute spirituali. Nec tam piæ et tam necessariæ preces inefficaces esse potuerunt, sed ab illo, qui per Isaiam inquit Prophetam: *Tempore opportuno exaudi te, et in die salutis adjuvi te* (*Isai. xlix, 8*): mox ambo in conspectu multitudinis optatam receperant sanitatem; hic luminis claritate ditatus, ille pedum velocitate latatus. Ambo supernæ gratias agentes pietati, majora quam speraverant munera reportantes, domum reversi sunt. Sed et hoc miraculum sanitatis in illis, plurimis causa fuit salutis æternæ. Videntes enim coelestem virtutem verba consequi sacerdotis Dei, relictis idololatriæ sordibus, in Christum credentes, vivo sacri baptismatis fonte purgati sunt.

XIV. Præfati vero miraculi testificatione vir Dei favore populi suffultus, singula civitatis loca peragrans, quæsivit inter ruinas ædificiorum, si quod ecclesiæ signum inveniri valuisse. Nam antiquis ferme temporibus, sacræ in illis locis fidei floruisse religionem agnovit; sed propter peccata habitatorum terræ illius, occulto Dei judicio, sed justissimo, tradita est, cum cæteris Galliæ vel Germaniæ civitatibus, pagano et perfido Hunnorum regi Attilæ a urbs quoque illa deprædanda: qui propter animi sui saevitiam, nec sacerdotibus Dei honorem, nec ecclesiis Christi reverentiam impendere sciebat, sed omnia, quasi tempestas immanissima, ferro vastavit et igne. Tunc in similitudine Hierosolymitanæ vastationis, quæ ab impiis Babylonianæ rege facta est, venerunt gentes in hæ-

Et jam terrifícis diffuderat Attila turmis
In campos se, Belga, tuos. *BOLL.*

reditatem Dei, et pollutis manibus profanaverunt A sacraria Christi, effundentes servorum Dei sanguinem circa altaria altissimi regis (*IV Reg. xxv*). Non haec paganorum fecit fortitudo, sed populi Christiani promeruerunt peccata. Invenit vero famulus Christi antiquæ ruinas ecclesiarum, inter murorumque fragmenta veprium crescere densitates: ubi quondam pœnitençium chori, ibi lustra et latibula ferarum visa sunt, stercoribus et immunditiis omnia plena, ita ut vix vestigium aliquod remansisset murorum. Hæc cernens, intimo cordis dolore ingemuit, dicens: O Domine, hæc omnia venerunt super nos, quia peccarimus cum patribus nostris, injuste egimus, iniuriam fecimus. Sed tu, Domine, memor esto misericordie tuæ, et nostris parce peccatis, et ne oblivia caris pauperum tuorum in finem (*Psal. cv, 6*).

XV. Dum hæc itaque lacrymosis mürmuraret querelis, ecce subito ex ruinosis speluncis ursus prosluit. Cui vir Dei cum indignatione præcepit, ut in deserta secederet loca, et sibi commoda inter condensa silvarum quæreret habitacula, nec ultra illius fluminis ripas transiret. Qui mox tali territus minatione fugit, nec unquam postea illis visus est in partibus. O mira omnipotentis Dei in sanctis suis potentia, quibus bestiæ ferocissimæ obediunt! O miserabilis hominum audacia, qui salutiferæ prædicationis verba, a sanctis prolata doctoribus contempnere **169** non metuunt. Irrationabilis bestia, in obtemperando sanctorum præceptis quodammodo ratione utitur humana: homo vero ad imaginem Dei conditus, ratione preditus, honorem suum non intelligens, comparatus est jumentis insipientibus, et similis factus est illis (*Psal. xlvi, 13*).

XVI. Dum vero comperisset vir Dei ecclesias Christi desertas, cor populi idololatriæ erroribus infectum, ignorantiae tenebris obsecratum, gemino sepietatis subdidit labori. Populum sedula intentione ad agnitionem veri luminis perduxit, ecclesias ad culmen summi honoris erexit, presbyteros et diaconos sibi in adjutorium per diversa Ecclesiarum dispositum loca; et ubi prius speluncæ fuerunt latronum, ibi orationum domos construxit, magisque divinis intentit eas ornare laudibus, quam pomptacis sæculi divitiis comere. Fuit vero pauperibus largus, divitibus affabilis, quatenus omnes vel largitate munerum, vel jucunditate verborum in viam deduceret veritatis. Sciens itaque nullatenus superba potentia colla ad Christianæ religionis humilitatem inclinare [*Boll.*, converti vel inclinari] posse, nisi per suavisimam pietatis admonitiones, apostolico instrucione exemplo, omnibus omnia factus, ut omnes luciferasceret (*I Cor. ix, 12*), seniores honoribus præveniens, juniores paterna dilectione admonens, ubique per officia charitatis non sua quærens, sed quæ Dei sunt,

^a Regem Clotarium. Clodoveo anno 509 die 27 Novembr. defuncto successerunt quatuor filii, inter quos primus Clotarius, apud Suessionas sede posita, præfuit Atrebatis. *BOLL.*

^b Optimatibus. Plures ex his paganos fuisse, eis-

Christi secutus vestigia, potentium convivia non contempsit, non luxuriae causa, sed prædicationis obtenu, ut familiaritate concordia [Boll., familiaritatis concordia], facilius verbum Dei convivantium infunderet cordibus.

XVII. Igitur quidam nobilis Francus, potentia clarus, Ocinus nomine, regem Clotarium ^a prædicti regis Clodovei filium, qui tunc temporis regni nobiliter rexerat sceptra [Boll., regebat sceptrum], vocavit ad prandium, quod magno apparatu in domo sua regi et suis paraverat optimatibus ^b. Rogatus quoque est sanctus ad convivium Vedastus. Qui donum intrans, more sibi solito, dextera extenta, omnia sanctæ crucis vexillo signavit. Quædam vero vascula ibi cervisia adstabant plena, sed male gentili errore demoniacis incantationibus infecta. Quæ mox ob potentiam sanctæ crucis destruta crepuerunt, et quidquid liquoris habuerunt, in terram effuderunt. Territus vero rex et optimates illius hujus visione miraculi, sciscitabatur pontificem causam repentini prodigi. Cui sanctus respondit episcopus: Per quasdam maleficorum incantationes, ad decipiendas convivarum animas, diabolica in his latuit liquoribus potentia: sed virtute crucis Christi territa, sic invisibiliter de domo effugit ista, sicut visibiliter considerasti liquorem effundi in terram. Hæc vero res multis proficiebat in salutem. Nam plurimi, occultis diabolicis fraudis catenis absoluti, auguriorum vanitate spræta, incantationum consuetudine relicta, ad veræ religionis convaluerunt [*Boll.*, convolaverunt] puritatem, intelligentes divine potentie efficacia in suo famulo jacere signa [Boll., efficaciam . . . facere signa], nihilque contra ejus sanctitatem antiqui serpentis valere machinationa. Et quod ille ad perditionem paraverat aliquorum, hoc Christi gratia ad redemptiōnem convertit pluriornorum.

CAPUT IV.

Sancti Vedasti obitus, sepultura.

XVIII. Rexit [Bolland., Rexerat] igitur præfatus Dei sacerdos Ecclesiam Christi, divina auxiliante gratia, annis circiter quadraginta ^c, sub magna evangelice prædicationis devotione, sub magno pietatis amore: ac per id temporis multitudinem populi catholicæ dogmata ad Christianæ fidei convertit sanctitatem. Claruit ubique divinæ cognitio legis, sanctissimum Christi nomen cunctorum audiebatur in ore, floruit in moribus castissimæ vite honestas, ardebat in pectoribus singulorum **170** cœlestis patriæ amor, populus statutis diebus ad ecclesiam concurrebat, festa cum magno gaudio nostri Salvatoris opportunitatis celebrabantur diebus, eleemosynæ circa domos uberrime pauperibus dispergabantur, verbum Dei quotidie per loca singula populis prædicabatur, hym-

que pocula gentili superstitione sacrata fuisse, indicat alia prior Vita S. Vedasti. *Id.*

^c Annis circiter 40. Ab anno circiter 500 ad 540; vid. Bollandus in Comment. præv., § 3.

nidicas laudes Deo horis canoniceis chorus cantabat in ecclesiis. *Beatum dixerunt populum, cui haec sunt: beatus populus cuius Dominus Deus ejus* (*Psal. cxlii*, 15). Omnes enim in pulchritudine pacis quiescebant, in agnitione veritatis gaudebant, in sanctitate Christiane religionis lætabantur.

XIX. Postquam vero pius predicator et sanctus Dei sacerdos, meritis maturis et annis, præmia sui laboris accipere debuit, Deo dispensante, in eadem Atrebata civitate validæ infirmitatis febre corruptus est, divina prævidente misericordia, ut ubi plurimum in Dei sudavit servitio, inde ad palmam æternæ beatitudinis perveniret, et inter charissimorum manus filiorum animam suo redderet Creatori. Ut vero eui famuli obitum Deus designaret, visa est nocte quadam clarissime columna lucis, a culmine domus in qua sanctus jacebat sacerdos, usque ad summum coeli, horarum ferme spatio duarum, stare fastigium. Quod cum viro Dei diceretur, intellexit statim hoc signum suum demonstrare obitum. Vocavit igitur suos ad se filios, ut eorum precibus suam fideli Conditori commendaret animam. Et post dulces paternæ pietatis admonitiones, et extrema charitatis verba **sacrosancto corporis et sanguinis Christi confirmatus viatico** inter manus lacrymantium spiritum emisit. O dies sancto latissima sacerdoti, sed cuncto mœstissima populo, quem tantus subito corporali vita deseruit pastor, quem tamen spirituali nunquam deseret intercessione, si sacræ illius admonitionis verba et probatissimæ vite vestigia sequi non desistat!

XX. Convenerunt itaque ad ultimas venerandi viri exsequias clerici et populus copiosus, aliarumque ecclesiarum sacerdotes, presbyteri, et diaconi. Sed mirum, inter lacrymantium voces in terra, psallentium, ut fertur, a quibusdam religiosis viris coetus audiebantur in cœlo: et dum digno honoris officio fereretur, in quo jacebat corpus, paratum staret in medio, accedentes movere illud non valebant. Quid vero agerent, ambigebant; quo se verterent, nesciebant. Sciscitabantur a Scopilione [Al., a S. Phyleone] archipresbytero, viro equidem religioso, qui

* In mss. Marchianensi et S. Maximini apud Bolandistas hic ita pergitur et vita reliquis omisisse concluditur: « Consilioque ab eo accepto foras civitatem in oratorio, quod sibi ipse paraverat, sepelirent Patrem. Qui mox facilline levantes feretrum portabant sanctum corpus cum luminibus, laudibus et hymnis, ad locum sibi placitum, sepelientes eum cum magno honore juxta altare ejusdem oratorii, nobilem terræ condentes thesaurum. In quo loco, divina præstante pietate usque hodie solent miracula fieri, que magis cernentium ore narrantur, quam dictantis stylo scribantur. Superveniente itaque tempore domus, in qua Deo dilectus diem obiit, flammis arrepta ardere coepit. Sed vidente religiosa femina, Abita nomine, sanctus adveniens Vedastus, flamas a domo discussit, et ita incolumis remauit cum lectulo, in quo vir venerabilis sanctam ad celestia regna animam emisit, ut omnes agnoscerent quanta illius esset beatitudo in cœlis, cuius lectuli donus in

A secretarius fuerat sermonum sancti Dei, si aliquid de sua eum testari sepultura memoraret: timentes ne forte illis hoc ideo accidisset, quia intra murum ejusdem civitatis illum sepelire disponebant. Quibus ille respondit, sepius eum se audisse dicentem, quod nullus intra [Al., infra muros] muros civitatis sepeliri debuisse: quia omnis civitas locus debet esse vivorum, non mortuorum *. Volebant siquidem illum in ecclesia beatæ semper virginis Mariæ, ubi sedi pontificali præsederat, tumulari. Ipse vero sepultura suæ locum in oratorio, quod paupere sumptu, **171** id est, ligneis tabulis, prope littus Crientionis ^b fluviali ædificaverat, fieri disposuisse cognoscitur. Quod licet ipse pro humilitate, qua semper usus est, fieri voluisse; omnes tamen qui aderant, B attendentes meritorum ejus insignia, indignum ducebant tanti viri corpus in loco humili debere sepeliri: præsertim cum nec locus ipse habilis esset tanto monumento, nec, palude obsitus, foret accessibilis populo.

XXI. Dum talia inter se quererent, venerabilis vir Scopilio, doctus virtute precum, ad solita sibi credidit arma currendum: ut videlicet oratio fidei obtineret, quod multa hominum manus viribus nequivisset. Unde cunctos bortans ad precem, ipse prior illacrymans, super corpus **sacratissimum** incumbens orationi, in hanc vocem, moerore **cordis** affectus, erupit: Heu mihi, inquit, o beatissime Pater! quid vis, ut faciam, quoniam et dies in vesperum declinat, et omnes qui ad tuas exequias convenerunt, ad propria jam remeare festinant? Permitte, obsecro, te perferri ad locum, qui tibi filiorum cura preparatus existit. Et his dictis, accipientes capulum, in quo sancti viri corpus jacebat examine, nullum onus sentientes, portaverunt eum subjectis humeris cum alacritate animi ad sepulturæ locum. Sepelieruntque eum in ecclesia jam dicta beatæ Dei genitricis semper virginis Mariæ, in dextera parte altaris, ubi quondam pontificalis cathedralæ fungebatur officio, nobilem terræ abscondentes thesaurum. In quo loco per aliquod jacuit tempus, quoque Domino revelante ad locum, ubi nunc fulget ejus memoria, est a viris sanctis Aut-

D terris ardere non potuit: pro cuius meritorum quaque sanctitate, divina operante pietate, quotidie vel vetera narrantur miracula, vel nova videntur. (*Hanc, que sequitur, clausulam vid. infra num. 24 in fine.*) Felix quidem Atrebata civitas, tam excellenti munita patrono; etsi ruinis murorum vilescat, illius tamen meritorum nobilitate clarescit. Totus itaque populus pro ejus sanctitatis intercessione gaudeat, et omnipotenti Deo æternas deferat laudes, qui tam claram illis perdonavit doctorem: cuius prædicatione viam veritatis agnovit; cuius precibus, si in firmitate fidei et vita sanctitate consistit, ab omni adversitate secura permanebit, et usque ad perfectam beatitudinis gloriam pervenient, præstante Domino nostro Jesu Christo, qui cum Patre et Spiritu sancto vivit et regnat per omnia sæcula sæculorum. Amen.

^b Crientionis fluviali. Aliis *Trientionis*, nunc vulgo *le Crinchon*.

berto et Audomaro episcopis felici mutatione translatus.

XXII. Nunc autem, quid in eodem episcopo post ejus excessum visum est dignum memoriae, referatur. Superveniente igitur tempore, domuncula, in qua Deo dilectus diem obiit, flammis arrepta ardere cœpit. Sed vidente quadam religiosa femina Abita nomine, sanctus adveniens Vedastus, flamas a domo discussit, et ita incolumis remansit cum lectulo, in quo vir Domini sanctam ad cœlestia regna animam emisit : ut omnes agnoscerent quanta illius esset beatitudo in cœlis, cuius lectuli domicilium in terris ardere non potuit.

CAPUT V.

Translatio corporis sancti Vedasti.

XXIII. Jacuit autem in loco eodem usque ad tempus beati Autberti, qui septimus ei in sede pontificali successit episcopus. Is autem, ut majorum relatione cognovimus, et ut innumerabilium hominum ore versatur, et quod oculis etiam factum probamus, dum quadam die post hymnos matutinos in humanis [Boll., in mœnianis; Fulbertus in Vita S. Autberti, stans in mœnibus] consistens, rubente aurora, Orientem versus intenderet; vidit eminus trans fluviolum, qui Crientio vocatur, virum præfulgidum virginem manu tenentem, basilicæ locum metiri. Quod ille cernens, revelante Deo, visionem cognovit angelicam : ostensumque est illi beatum illicet Vedastum, annuente Christo, sine dubio transferendum. Qua revelatione certior factus, invitavit ad tantum opus beatum Audomarum, qui ea tempestate Tarvennæ Morinorum urbis episcopus, in Dei rebus magnificus habebatur. Qui licet jam senio pressus, et amissione luminum videretur debilior factus, animum tamen ut arcum habens spiritali studio intentum, illico promptus, Christo gressus tegente, festinus ad venerabilem pervenit Autbertum. At ille quid animo gereret, et quid sibi divinitus esset ostensum, referens, pari voto communique consilio cum magno populorum gaudio, qui undique confluxerant, ad locum designatum beatissimum transtulerunt Vedastum. In qua translatione perhibetur beatus Audomarus lumen receperisse oculorum, sed illico precibus eamdem, quam ultroneus ferebat, reimpetrasse cœcitatem. Parviperdebat quippe lumen carnalium oculorum, qui lumen meruit civium supernorum ^a.

^a Bollandus Comment. prævio num. 36 suspicatur ea quæ sequenti numero 24 referuntur, addita suis post obitum Alcuini, ob hæc verba, quæ ibi leguntur : « Porro et miracula, quæ et tunc (*in translatione*) gesta sunt, et quæ jam (*ab eo tempore*) per annos ferme centum sexaginta per merita beati Vedasti patrata sunt, etc. » Qui anni, ait Bollandus, ab ea translatione, anno 667 facta, ad annum 804, quo obiit Alcuinus, non intercedunt. Neque etiam ab obitu sancti Vedasti iidem anni numerari possunt, quod ab anno 540 elapsi sint ducenti sexaginta anni, ut annus octingentesimus habeatur, circa quem vita hæc videtur emendata fuisse.

^b *Nobiliacus.* Hoc Nobiliacense monasterium postea nomine sancti Vedasti fuit insignitum, ac

A 172 XXIV. Porro autem miracula, quæ et tunc gesta perhibentur, et quæ jam per annos ferme centum sexaginta per merita beati Vedasti patrata sunt, nullo sunt stylo memorie tradita, excepto quod vocibus cantorum hujusmodi canitur Antiphona : *Hic est beatus Vedastus, cui templum fieri ab angelis jussum est hominibus.* Est autem locus ipse non longe ab eadem urbe, qui pro nobilitate sui Nobiliacus ^b primo est appellatus : sed procedente tempore tam insignis effectus, ut urbis nomine, quæ jam ruinis crebrioribus pene obsoleverat, vocitur. Est namque et largitione fidelium sublimatus, et agmine monachorum, et aliorum Deo devotorum grege ^c refertus : ubi incessanter quotidie divina celebrantur pœnia, et frequenter cœlestia facta sunt et flunt miraculorum signa, quæ jam magis cernentium ore narrantur, quam dictantis stylo scribantur. Felix equidem Atrebatum civitas, tam excellenti munita patrono, etsi murorum ruinis vilescat, illius tamen meritorum nobilitate clarescit. Totusque pro ejus sanctitatis intercessione gaudeat populus, omnipotentique Deo æternas referat laudes, qui tam clarum illi perdonavit doctorem, cuius prædicatione viam agnovit veritatis. Cujus precibus, si in fidei firmitate et vitæ sanctitatem consistit, ab omni adversitate secura permanebit, et usque ad perfectam beatitudinis gloriam perveniet, præstante Domino nostro Jesu Christo, qui cum Patre et Spiritu sancto vivit et regnat Deus, per omnia sæculorum. Amen ^d.

C

ADHORTATIO

AD IMITANDAS VIRTUTES SANCTI VEDASTI
IN ACTIS DESCRIPTAS,

AUCTORE EODEM ALCUINO

Ex mss. Vedastino et Antwerpiensi.

1. Gaudete, dilectissimi fratres in Domino, qui ad sanctissimi Patris et protectoris nostri, sancti scilicet Vedasti, solemnia convenistis, et spiritali jucunditate lætamini, et ex intimo cordis affectu clementiam Domini nostri Jesu Christi collaudate, qui nos ab idolatriæ erroribus ad agnitionem sui sancti nominis per hujus sancti sacerdotis prædicationem perducere dignatus est. Sequamur unanimiter tam sancti doctoris vestigia : non simus tanti Patris degeneres filii; sed sanctitatem vitæ illius

D etiamnum celeberrimum : cuius inscriptiones dabis inter alia beati Alcuini poemata.

^c Et aliorum devotorum grege. Nimurum præter monachos. Notanda sunt hæc Alcuini verba, prout monet Mabill. tom. I Annal. libr. xv, num. 49, quo nomine secundi ordinis religiosos viros intelligit, quales postea fueruere fratres oblati seu donati, qui monachorum nomine nequaquam censebantur.

^d Apud Bollandum ita hæc Vita clauditur : *perveniet. Obiit autem idem sacerdos Christi Vedastus VIII Idus Februarii, regnante Domino nostro Jesu Christo, etc., ut supra.*

^e In cod. Vindob. apud Lambecium nov. edit., tom. I Annal., pag. 634, titulus : *Homilia in die natali sancti Vedasti pontificis ad populum dicenda.*

morum nobilitate imitemur. Abjiciamus a nobis opera tenebrarum, et induamus nos arma lucis, si-
cut in die honeste ambulemus : quia nos ignorantiae recessit, et veræ scientiæ nobis lumen illuxit, ut filii lucis in omni castitate et pietate ambulemus. Non sint alicujus nequitiae vel malitiæ occulta in cordibus nostris semina : quia homo videt in faciem, Deus autem corda considerat, nec aliquid illius omnipotentiae oculis occultari potest. Præparemus nos in omni bonitate, ut præclarus pontifex et pius predicator noster Vedastus gaudens nos ante tribunal summi judicis in die ultimo ducat, **173** quatenus ex numerositate filiorum illius cumulemur gloria, et nos cum illo desiderabilem audire mereamur sententiam : *Venite, benedicti Patris mei, percipite regnum, quod vobis paratum est ab origine mundi* (*Matth. xxv, 34*). Ille de cœlesti patria piis orationibus nostrum quotidie agonem adjuvare non desistit, desiderans nos [*Ms., Vedast.,* desiderans suos] charissimos filios, quos paterna pietate genuit in Christo, ad gloriam perpetuae venire beatitudinis. Quapropter, charissimi fratres, unusquisque in suo ordine secundum virium facultatem, fortiter diabolicis resistat suggestionibus, ut æternam triumphi coronam cum pio parente nostro accipere dignus efficiatur. *Non sunt enim condigne*, ut ait Apostolus, *passiones huic temporis ad superventuram gloriam, quæ revelabitur in nobis* (*Rom. viii, 18*). Igitur breve laboris tempus divina nobis voluit esse pietas, et agonis nostri retributionem esse perpetuam, et pro temporali tribulatione, permanentis gloriæ mercede gaudere.

II. Audivimus itaque, cum Deo dilecti sacerdotis Vita legeretur, quantam in omni bonitate habuit devotionem, quomodo per abstinentiæ rigorem suum castigavit corpus, qualiter per charitatis officia omnibus prodesse contendit. Incedamus cum omni alacritate mentis, et tota virium facultate illius vitæ vestigia, ut beatitudinis, in qua regnat cum Christo, consortes effici mereamur. Nulla carnalis concupiscentia, nulla sæcularis ambitio, impedit iter nostrum. Curramus per opera pietatis ad cœlestis patriæ portas. Exspectant nos cives æternæ civitatis, et rex ipse, qui vult omnes homines salvos fieri, nostram cum sanctis suis vehementer desiderat salutem. Decet enim nos illius esse cooperatores in salute nostra, qui nos in tantum dilexit, ut proprio Filio suo non parceret, sed pro nobis omnibus tradidit illum. Diligamus eum, quia ille prior dilexit nos : faciamus illius voluntatem, quia voluntas illius felicitas est nostra. Habeamus semper in mente quod ipsa Veritas cuidam diviti respondit in Evangelio : *Si vis vitam ingredi, serva mandata* (*Matth. xix, 17*). Quæ sunt mandata, nisi charitas Dei et dilectioni proximi? In his duabus præceptis tota lex pendet et prophetæ. Dilectioni itaque proximi in operibus misericordiæ comprobatur : qui sæculi habet substantiam, auxilietur non habenti. Qui doctrinæ habet scientiam, corrigat errantem, dicens apostolo Jacobo : *Qui converterit peccatorem*

A *ab errore viæ suæ, cooperuit multitudinem peccatorum suorum* (*Jac. v, 20*). Scire debemus, charissimi fratres, quod quantas animas quisque lucratus fuerit Deo, tantas accepturus erit mercedes a Deo. Quantam gloriam habere putatis sanctum Vedastum in cœlesti regno cum Christo, qui tam innumerabilem populum sedula prædicatione Christo in terris acquisivit? Vel quanta sit gloria animæ illius speratis inter angelos, dum tantum honorem habet corpus illius inter homines? Vel quid non potest pietatis precibus impetrare in cœlis, qui tantis in mundo claruit miraculis? Sed omnibus miraculis major est evangelica prædicationis instantia, et sanctæ charitatis in corde fragrantia. Valde enim viriliter accepta Dominicæ pecuniae talenta multiplicare studuit; ideo feliciter sibi Dominum audiet dicentes : *Euge serve bone et fidelis, quia super pauca fuisti fidelis, super multa te constituam, intra in gaudium Domini tui* (*Matth. xxv, 23*). Parva sunt presentis vite bona in comparatione futurorum honorum. Sed qui in his fideliter laborat, in illis fideliter requiescat.

III. Iste sanctus, ad cuius concurrere festa voluistis, pro multorum laboravit salutem, ideo plurimorum præmia in die judicii suscepturus erit. Seipsum per abstinentiæ maceravit rigorem, aliis prædications profuit sedulitate, ideo laudabilis omnibus existat, juxta vocem sapientissimi Salomonis : *Memoria justi cum laudibus, et nomen impiorum putrescit* (*Prov. x, 7*). Dum vita justorum laudatur, iniquitas impiorum quasi sterlus detestatur ab omnibus. Quid est felicius quam in bona conversatione a Deo perpetuae promereri beatitudinis gloriam, et omnium ore laudari? Cogitemus quotidie, qua fiducia veniamus ante tribunal summi judicis, quid boni operis nobiscum deseramus. *Æquitas illius nullius accipiet personam*; sed unicuique redet secundum opera sua : et qui plus laborat in opere Dei, plus mercedis accipiet in regno Dei. Unusquisque in qua vocatione vocatus est, in ea viriliter suam operetur salutem. Omnibus cœlestis regni janua patescit, **174** sed meritorum qualitas alium introducit, alium expellit. Quam miserum est hominem a gloria excludi sanctorum, et æternis cum diabolo deputari flammis! Peccatorum sarcina animam submergit in tartara : justitiae abundantia ad cœlestem evehit gloriam. Frequentemus sæpius ecclesiam Christi ; audiamus in ea diligentius verba Dei ; et quod aure percipimus, hoc corde retineamus, ut fructum boni operis seramus in patientia, et fraterno amore unusquisque alium adjuvare studeat. Habeamus præclara sanctissimi Patris nostri abundanter exempla in omni charitatis officio, in fidei fervore, in spei longanimitate, in perseverantia totius bonitatis illius. Quem tanta celebramus laude, et tanto diligimus amore, tota mentis intentione in omni conversatione sancta sequamur vestigia ejus, quatenus viam vitæ illius currentes æternæ beatitudinis cum illo gloriam accipere mereamur, auxiliante nos rego æterno Domino nostro Jesu Christo, qui cum Patre

et Spiritu sancto vivit et regnat Deus per omnia sæ- A
cata sæculorum. Amen.

VERSUS AD RADONEM ABBATEM.

Noli, quæso, Pater, munuscula spernere nostra :
Parvula si videas, magna hæc dilectio mittit.

ALCUINI HYMNUS DE S. VEDASTO.

(Ex Lambecio, loc. cit., pag. 413.)

Christe Salvator hominis ab ore
Hostis antiqui superantis Adam,
Nostra clementer, Domine, precamur,
Suscipte vota.
Multæ fecisti meritis tuorum
Dona, Vedasto propria dedisti,
Nos tui servi tua larga, Christe,
Corde rogamus.
Terra Francorum tenebras habebat
Irroridas; dempsit radios salutis
Viscera nostra a pietate Patris,
Christe, resulge.
Vultibus cræcis pietate motus
Lumina clara dedit ipse sanctus,
Lucida fecit tenebrosa corda
Ignifer ille.

^a Ita quidem in codice scriptum est, sed de genina hujus loci lectione nondum mihi satis con-

Debiles turbas, solita salute,
Reddidit sanas populo vidente;
Multæ præclara, Domino favente,
Fortiter egit.

Mortifer ursus timidus recessit,
Voce Vedasti prohibentis, ultra
Terminum scriptum penetrare dirum

Omne per ævum.

Pectore puro pia verba vera
Auribus fudit populi fidelis :
Auxerat inde numerum piorum

Sedibus altis.

Obvia venit radians columnæ,
Splendida coeli comitata plebe,
Spiritum purum Domino vocante,

Fine beato.

^b Zabulo vieto fide cum labore
Belliger miles penetravit astra;
Præmia digno obtinet honore

Regis in aula.

Gloria laudis resonet in ore
Omnium Patris, genitæque Prolis,
Spiritus sancti pariter resultet

Laude perenni. Amen.

stat. LAMBEC. Forte legendum: *Miserans nostri.*

^b Zabulo apud veteres pro diabolo. Vid. Lambec.

B

175 OPUSCULUM TERTIUM.

VITA BEATISSIMI RICHARII PRESBYTERI.

PRAEFATIO AD CAROLUM IMPERATOREM.

Domino semper venerabili semperque desiderabili, piissimo sanctæ Ecclesiæ tutori, gratia Dei semper Augusto Carolo, vestre salutis perpes amicus Albus.

Remorante vestre excellentiæ pietate in loco sancto et merito venerabili Centula ^a, cum et ego vestre gloriæ servus, vestre pietatis vestigia ibidem proscrutatus, aliquantis per commorarer; oraverat meam parvitatem vir magnus in Christo dominus et venerabilis abbas Angilbertus ^b, quo in laudem Conditoris, qui mirabilis semper appetet in electis suis, quemdam libellum stylo simpliciori digestum, de vita sanctissimi ac vere magnifici confessoris Richarri cultius adnotarem. Dumque exauditis continuo precibus ejus, quæ ipsi divina majestati exaudi-biles et charæ noscuntur, eundem mibi exhiberi libellum petiisse; non parum miratus sum cur tanti nominis confessor, quem tantarum virtutum operæ esse constabat, quemque prisca fama miracu-

Clorum patratione post ipsos apostolos nulli ferebat secundum, tam modico gestorum volumine poteretur. Idque mihi stupescendi innotuit jam dictus memorabilis vir Angilbertus, ac spirituales fratres eiusdem sancti loci, haber apud se, quin etiam apud diversas ecclesias, codicem alium & grandioris quantitatis, in quo scilicet illa miracula legebantur, quibus non immorito sanctum Christi confessorem orans Gallia attollebat. Cuius simplex et minus polita locutio quia fratribus ad recitandum in populo aptior [A. in populum apertior] videbatur sufficere sibi eamdem descriptionem consenserunt. Dumque in iis quæ rogabant prænotandis jamjamque animos applicarem, repente vestre pietatis nuntio sum conventus, uti ea quæ tractabam sic notarem, sicut revera sapientiae vestre auribus inferenda. Hinc ego vocati notario, et fixo præ oculis ja n dicto libello, ea quæ referre videbatur de conversione, de moribus, de continentia et sanctitate vere incomparabili, necnon de glorioso transitu ejus ad Christum, seu de rela-

Dlandus ad diem 18 Febr. et Mabiliouius in Actis SS. O. S. Ben. sec. iv. Angilbertus coronationi Caroli Magii adiut anno 800 in Natalitiis Christi, et ad superos transit anno 814.

^c Codicem alium. Excidit codex iste, qui gesta sancti Richarri, rudiori stylo digesta, cum libro miraculorum continebat. BOLLAND. MABILL.

^a Accessum Caroli Magni ad monasterium Centum, ibique ab eo Pascha celebratum an. 800, te-stanter Annales Eginhardi, Tiliani, Lotseliani, et passim alii scriptores. Sed potuit postea ibidem fuisse, cum jam esset in Augustum Cesarem corona-tus.

^b Abbas Angilbertus. Cuius Vitam illustrarunt Bol-

PATROL. CI.